



唐藏京後還隱此山化為神



白沙汀在長洲縣西五十八里長七八里廣三四里
南有蓮池地有勝仙峯之頭有莎草三面濱海白
沙平鋪隨風流轉堆積成岸稚於海棠紅翠相映
遊賞者相屬

右黃海道

五臺山在江陵府西百四十里東滿月南麒麟西長
嶺北象王中智爐五峯環列大小均敵故名之
于筒水右五臺山西臺之下有泉湧出即漢水之源
仙遊潭右杆城郡南十里許山麓周遭成谷之中有

潭曰仙遊有小峯斗起半入湖心上有長松數株
舊有亭今廢春則躑躅披巖亂發夏則蓴菜滿潭
永郎湖在郡南五十五里周三十餘里汀回渚曲巖
石竒恠湖東小峯半入湖心有古亭基是永郎仙
徒遊賞之地

烈山湖在郡烈山縣東二里有大湖周數十里包跨
陵谷比諸湖最大諺傳昔大水包烈山之谷新羅
移構山麓而舊縣沉在水底天晴波靜則墻壁依
然可見

鳴沙在郡南十八里沿海沙平皓若雪色人馬行則
觸之有聲錚錚如金磬響大抵嶺東皆然而忡城
高城之間最多海棠間發紅白相映

浦口山在高城郡東九里高城浦有岩斗起層疊如
階其上可坐百餘人岩北又有一峯皆石東望海
中五里許有石拳如列筭峯下有石龍拏虎攫竒
恠異常又有二石相對如人偶語石皆白色輝映
碧海望之如畫

三日浦在郡北七八里外有重峰疊嶂合包而內有
三十六峯洞壑清幽松石竒古水中有小島蒼石
盤陀其上虬松鋪陰梨花亂開湖水明瑩可鑑非

烟火食者所堪至昔四仙遊此而三日不返故得
是名水南又有小峯有石龕峯之北崖石面有
丹書六字曰永郎徒南行書畫入石風磨雨洗宛
然如新世傳永郎仙徒所書

昭陽江在春川府北六里源出麒麟之瑞和縣與府
之麒麟縣水合流至楊口縣南為草沙里灘又至
府東北為青洲為舟洲為狄岩灘為昭陽江

磨雲嶺

磨天嶺俱在端川郡以其高峻勢入雲天故名東北
雄關

白山在鏡城府西一百十里山勢甚峻至五月雷始
消七月復有雲山頂樹木矮小土人亦謂之長白
白頭山在會寧府西七八日程山凡三層高二百里
橫亘千里其巔有潭周八百里南流為鴨綠江北
流為松花江為混同江東北流為蘇下江為速平
江東流為豆滿江

錦繡山在平壤府五里鎮山山下有高麗長樂宮基
牡丹峯在錦繡山

德巖在大同門外屹然能捍水故府人德之而名
酒巖在府東北十里諺傳酒流出巖間遺痕尚在因

而得名

白銀灘在府東北四里

綾羅島周十二里在白銀灘北

鳳德山在安州東二十里山頂有九層鉄浮屠

清川江一名蔭水源出妙香山經安州北城下西流三十里與傳川江入海隋宇文述等伐高句麗師渡蔭水去平壤城三十里因山為營因乙支文德詐降還軍至清川江軍半渡文德追擊其後軍殺右屯衛將軍辛世雄隋軍俱潰所謂隋兵百萬化為魚者此也

堂於嶺在定州西十五里郭山郡界

西門嶺在嘉山郡西二里俗名石門嶺

鳳頭山在郡北一里鎮山

白馬山在義州南三十里謗傳白龍馬出遊故名

鴨綠江在州西北一名馬訾一云青河一曰龍灣西

去遼東都司五百六十里其源出胡地白頭山至

州北於赤島東分三派一南流匯為九龍淵名曰

鴨綠江水色似鴨頭故名之一西流為西江一從

中流名曰小西江至黔同島復合為一至水青梁

又分二派一西流與狄江合一南流為大江繞威

化島至暗林串西流至彌勒堂復與伏江合為大
摠江入于西海朱子曰女真起處有鴨綠江傳云
天下有三處大水曰黃河長江曰阿綠是也

高皇帝詩鴨綠江清界古封強無詐息樂時雍逋逃
不納千年祚禮義咸脩百世功漢代可稽明載冊
遼征須考照遺蹤情懷造到天心處水勢無波戍
不致

龍骨山一名龍虎山在平安道龍川郡東八里鎮山
西臨大海北望鴨綠江外松骨諸山如在几案
之下散為絕勝

龍岩在龍川郡西四十五里潮水往來岩上有龍爪
痕

劍山在宣川郡西二十里峯巒嵒嵒如劍鏞故名

凌漢山在郭山郡東北七里鎮山 大明一統志作
熊花山

妙香山在寧邊府東一百三十里一名太伯山山之
大莫之與比多書木冬青仙人舊迹存焉

博川江古稱太寧江 大明一統志作大定江在博
川郡西十五里源出昌城府浮雲山過泰川縣合
于安州之老江入于海

劍鶴山在城川府東八里鎮山左右絕壁如劍如雀故名

檜山在城川北七十里石壁周三十里中有赤墳平衍巨川流橫其下諺稱天作之城可容千兵

絕骨山在府西北二里有攢峯十二世謂之巫山卞二峯

沸流江即卒本川俗稱遊車衣津在成川客館西三十步其源二一出陽德縣吳江山一出孟山縣大母院洞至府北三十里合流歷絕骨山下山底有四石穴水入穴中通流沸騰西出故名沸流江又

迎賓館在驪州客館東岸高爽開豁與清心樓相對俱為勝絕

臨津亭在坡州臨津南岸

右京樓畿

雲錦樓在江陵府客館北巋然傑特制度奇偉樓南有池深廣蔣以美藻池中有島上種竹

勵節堂在府館西北府使趙云庵有惠政邑人立祠祭之俗呼生祠堂

寒松亭在府東十五里東臨大海蒼松鬱然亭畔有茶泉石竈石曰即述郎仙徒所遊處

鏡浦臺在府東北十五里浦之周二十餘里水淨如鏡不深不淺絕没人肩四淮中央如一西岸有峯峯上有臺、畔有煉藥石曰浦之東口有板橋曰江門橋、外有行島、北有白沙汀周五六里許汀外蒼海萬里直望日出最為奇勝亦曰鏡湖海雲亭在府鏡湖之南東臨滄海

竹西樓在三陟府客館西絕壁千仞奇岩叢列其上架樓曰竹西下臨五十川、匯為潭水清徹底日光下透游魚歷、可數為嶺東絕景

凌波臺在府東十里海崖上有石數條立水中高可八九丈其上可坐數十人

召公臺在府瓦峴山上觀察使黃喜值歲荒專心賑活民無捐瘠既還京民慕其德而相與就所憇之地累石為臺以寓甘棠之思故名

秘仙臺在襄陽府北双成湖東有峯峭拔上有虬松數株望之如畫上可坐數十人傍有細徑如線祥雲亭在府南傍海有長松連十里蒼翠成陰仰不見白日松間無雜卉惟躑躅盛開爛如紅錦

月松亭在平海郡東蒼松萬株白沙如雪松間禽鳥不棲諺傳新羅仙人述郎等遊憇于此

望洋亭在郡北東臨大海

萬景樓在杆城郡清澗驛東有石峯突起其高數十
仞上有虬松數株東構小樓臺下亂石崦岩水清
徹底風至驚濤濺石

茂松臺在郡明波驛南有峯聳立海澨 杯蔽日望
之鬱然昔有茂松府院君尹子雲奉使來遊因名
焉

四仙亭在高城郡北三日浦諺傳四仙來遊故名
叢石亭在通川郡北有數十石柱高可八九丈離立
海中石皆六稜如削玉方直平正如中繩墨者凡

四處亭在海岸臨叢石故諺傳新羅述郎南郎永
郎安詳遊賞于此號稱四仙

凌虛樓在尉珍縣館東

七寶臺在歙谷北有修岡迤邐東蟠三面皆大湖
水瀾漫外有大海小島森列海中者七故名

孤石亭在淮陽府岩石竦立東臨淵水新羅真平王
高麗忠肅王嘗遊此亭

錦江亭在寧越郡錦障江岸繞壁之上東臨錦江南
望金鳳洲虬之外有尚德村茅屋踈籬隱映柰柘
間南有密積浦樹木葱鬱村烟水氣掩靄霏微望

右圖書

倚風亭在旌善郡風穴之傍穴在大陰山岩石間寒氣颼颼其下置冰則經夏不消

二樂樓在春川府昭陽江岸景致清絕

清虛樓在府西石壁削立下有澄潭

右江原道

倚風樓在慶州府西北麗軒路

燕子樓在金海府客館東北跨虎溪結構宏麗南有七點山三叉河一望可了

涵虛亭在燕子樓北引虎溪為蓮池亭在池中極其

學士樓在咸陽郡客館西偏新羅崔致遠為太守時所建故名

觀水樓在三嘉縣客館南十餘步許樓前有水樓之西偏有淨襟堂

光風樓在安陰縣客館北樓前有江江外有林藪西偏有霽月堂連構景最清絕

換鵝亭在山陰縣客館西俯瞰江流連構道士觀縣名山陰故取王右軍事名之

新安樓在丹成縣東五里東臨大江江之東偏石崖如懸峴可觀

右慶尚道

快心亭在全州府城東南數里許沿流而上山斷水
涸築石為基作亭其上

民樂亭在右阜郡客館西峯上大野微茫一望無際
西有海口潮水往來

培風軒在興德縣客館西峯上西臨海口東望大野
形勝與民樂亭相對

憑虛亭在羅州東風上倚郭而構眺望曠遠南望月
出東望無等西有錦城山又大江橫帶于前

石犀亭在光州城南二里許二川合流盛夏霖雨巨

有水患故用李冰守蜀時故事作石犀以鎮之二
水之旁有山稍高如蚕頭構亭其上以石犀名之
亭頗高爽開豁

冬栢亭在茂長縣北三十里有山陡入海中三面皆
水其上冬栢樹葱蘢連袤五六里為湖南勝地

碧波亭在珍島郡東三十里郡在海島中亭當渡口
俯臨大洋

聽潮樓在康津縣客館南臨大海潮聲常在樓中
故名

廣寒樓在南原府城南二里許地勢高平敞豁樓前

有長川景致清絕

龍潭臺在平昌縣南二里許山麓有奇岩高可百尺南望無等下壓澄潭號曰龍潭號曰有僧舍

右全羅道

慶迎樓在忠州客館東樓下有池深廣夏月芙蓉盛開

寒碧樓在清風郡客館東俯臨大江山水之勝最為清絕東有明月亭

聚遠樓在公州客館東樓西有池州五六畝種以芙蓉池心有島上有茅亭

錦江樓在州北五里錦江南岸當南北往來渡口景致清爽

宣化樓在天安郡客館東地勢穹隆眺望曠闊中明浙東人李明昇有詩

馭風亭在保寧縣客館北北據高山南控大野登者如馭冷風故名

右忠清道

芙蓉堂在海州客館西有大池芙蓉盛開堂在池中極有清致

聚遠樓在延安府客館東據飛鳳山俯卧龍池青草

湖金蓮浦在其左右樹林隱暎雲烟變態最為勝處

廣遠樓在黃州客館東 高

詔使閏有記前後
詔使皆有詩

右黃海道

七寶亭在咸興府東軒南池中最致蕭洒

浩浩亭在利城縣客館東東望大海前臨平野

右咸鏡道

乙密臺在平壤府錦繡山頂平坦敞豁號乙密臺又

稱四虛亭

浮碧樓在乙密臺永明寺東 中朝人張溥諸公皆有詩

風月樓在府城中樓下有池深廣種芙蓉 董侍講

越有記

望遠樓在大同江東岸

詠歸樓在南浦距府城十里挾途左右垂楊拂地

練光亭在府東城德岩上 唐內翰臯有記

快哉亭在大同館北

百祥樓在安州北城內

迎董樓在定州客館南舊名定遠董侍講越改以

迎董

納清亭在州東四十里唐內翰臯名之史給事

道記之

敵愾亭在嘉山郡大寧江上

觀德亭在龍川郡東二里

運籌樓在寧邊府城內

決勝亭在府夫伊塔津上

偃武亭在樟頂津上

降仙樓在成川府客館西俯臨沸流江之西岸有



